<<快雪堂日記>>

图书基本信息

书名:<<快雪堂日記>>

13位ISBN编号: 9787807293798

10位ISBN编号:7807293799

出版时间:2010-1

出版时间:鳳凰出版社

作者:(明)冯梦祯

页数:229

字数:241000

版权说明:本站所提供下载的PDF图书仅提供预览和简介,请支持正版图书。

更多资源请访问:http://www.tushu007.com

<<快雪堂日記>>

内容概要

一国一郡文献之兴替,其大端往往与世运相陵谷。

予观夫嘉禾一府而略知天下之变且不信哉!

嘉兴艺文肇自前汉。

自漠以来,严忌之赋,见绿班书,陆玑之注,荣列四库。

迄两晋舆宋,陆、顾大族屡变文华。

唐宋之际,若陆德明、刘禹钖、张九成,并学究书院,思极人文,缛彩郁于云天,逸响振于金石。 元之吴镇,英华秀发,波澜浩荡,笔有余力,词无竭源。

明清之降,更成大观。

若清江有诗、士林有品、墨林有琴、倦圃有书,缘情托兴,比符诗骚,皆一时之选也。

推延至清,则嘉禾文光,照映当时,胜流遍地,诗家如云。

若利瓦伊钧有梅会之选,钱陈群有八子之集,沈季友、胡昌基更谱一郡之诗系。

若竹坨大佬,词兼诸体,才思横溢,闻其风者,海内景慕,后之文者,往往继踵芳尘,若孟举、悔余辈,皆高吟宋调,宏利苍然,非同凡流,若箨石宗伯,淳然古音,视曝书亭较深,视樊榭山房较大,张秀水诗帜而自成;尔,若寐叟鸿儒,植经入史,沈酣佛典,发为辞章,则奇气喷溉,鱼龙变幻,莫识其端,其波澜巨笔,同光之中,推为魁鳌。

长水文华,秀州伟杰,千载而来,气逼云天,冠盖吴越。

<<快雪堂日記>>

书籍目录

卷一卷二卷三卷四卷五卷六卷七卷八卷九卷十卷十一卷十二卷十三卷十四卷十五卷十六

<<快雪堂日記>>

章节摘录

五月初一,茂吴酌坐客。

孙文融、余世辅、俞孟武,至堤上坐,口口扪山,因都阃设席,不登岸。

晤张山人,即白灵峰而为僧所逐者,今住陆祠,茂吴作十绝句慰之。

茂吴出《采尊曲》八章,索余辈和。

陈季象至馆。

初四,雨。

畜器贮梅水,始用梅水点试天目茶,季象茶癖于此一畅。

夏至后逢壬立梅,今日壬辰日也。

阅《宗镜录》一至三卷。

初五,雨。

杭俗端阳颜盛,奎奴刷鲥鱼去鳞,亦鼓掌一助也。

盛叔永来,预蒲酒之会,薄莫而别。

阅《宗镜》四至六卷。

热。

初七,雨,午后晴。

故乡新籍诸生,县不下八九十人,而戴生不与,亦奇矣。

阅《宗镜》七卷。

十一, 赴灵隐之约。

沈太公先行,同陈季象、乐子晋,两儿从。

遇徐茂吴、俞孟武及广陵侯君。

薄莫而返,湖色澄净,荇藻可数。

十六,遣视金玄朗。

已行,得其所留尺一,云:「以疡甚,返吴。

」复遣书通黄旨玄中翰,渠约晚至。

日中出《无情作佛难》,陈季象、乐子晋、虞长孺俱有答。

阅《宗镜》十一至十三卷。

十九,雨。

阅《宗镜》二十卷、二十一卷、二十二卷、二十三卷。

作王元美先生尺一,欲托余世辅寄去而不及,当待他信。

下午雨止,夜复雨。

二十七,史裕庵见访,食大雄山杨梅,紫而且大,在诸山之上。

六月初一,雨。

阅《宗镜》四十六卷。

虞僧孺来,真霞外人,长孺乃有此弟!

初六,雨。

阅《宗镜》五十九卷、六十卷。

俗传此日为猎狗洗浴日,不宜雨,雨主大水。

初七,雨,自黄昏逮晓不绝声,早益甚,如注。

以壬课占何时晴。

今日乙丑,时加于辰,胜光为朱雀加日,过午时即晴,丙寅丁卯继之,朱雀得气,从此雨止矣。 午后果晴。

阅《宗镜》六十一至六十三卷。

沈太公自西溪回。

十九,阅《宗镜》九十九、一百卷。

自五月初四至今,共四十五日而终。

<<快雪堂日記>>

但粗阅一过,尚期岁内再板,至三、至四,以尽其妙,不令空手人宝山也。

遣书存公亮,约三日后来。

夜坐星下,奇云如绮,倏忽万状。

自六月来,此二日为最热,手探器物如火,汗流浃席。

五更同妇起坐庭中,月正中,微云掩映,酿淡有无,最为佳观。

二十一, 庐山僧心悟以曾于健藏师兄书求见, 为其师彻空禅师求塔铭。

行状,憨山笔也。

留悟上人斋,送住昭庆文上人房。

悟云:"圣母遣僧某送法藏至天台,秋初当至。

" 二十五,李玄自来,留饭。

曹林师兄来,谈对竟日,出宿昭庆。

二十六,潘景升来,遣数字存公亮。

日中跨蹇至昭庆, 枧曹林师、一如上人。

松毛场登舟,至西溪,裸行山中,至安乐山南而返,宿瑞庭庵。

二十七,五更甚凉,次卿来,同阅仓基,及行西溪市,至徐氏楼,楼已敝,但面南诸峰,如黛前列,因有卜居之意。

饭后,次卿别去,遂成《彻空禅师塔铭》。

是日大热。

二十八,早成《崇福庵永为十方常住记》。

裹巾,谢万纯斋、钱养微二公。

岳翁以土木二匠来度地,季象同来。

饭后,策蹇而出,小憩,佛慧方丈报先印泉精舍。

至昭庆,同曹林、一如纳凉戒坛后,季象亦至。

俄而,风雨大作,迁避坛东,大雷骤凉。

雨止,行,到家已莫矣。

子晋自拙园归,得项墨林尺一,并《柬观余论》一部。

二十九,赴曹林、一如二师约。

至湖中,憩净慈大殿,石林沙弥迎至其寮,设斋为款。

有微雨,薄莫自涌金人城。

曹林一音义甚快。

夜,复有小雨。

七月初六,至灵芝寺拜雪浪上人,遇雨,晤杨抑亭、徐茂吴,留斋。

十一,潘景升来。

遣书候沈纯甫先生。

午后至灵芝寺听雪浪上人说《惟识三十论》。

晤许景修、杨抑亭。

晚归,晤来道之。

十二,同雪浪上人、杨抑亭、虞长孺、陈季象、乐子晋赴崇福之约。

上人说《三支比量》暮而返。

十五,赴潘景升湖上约。

同雪浪、月音雨上人、徐茂吴、陈季象、刘姬,茂吴留宿湖上,而余失赍卧具,独归。 是夜,月色甚胜。

十六,景升来。

余羡昨夕月色,景升遂有夜约。

午后有雷雨。

夜同子晋、季象持卧具出,而月色似为云物所妒,主人意不怡。

余谓当小待之,自佳耳。

<<快雪堂日記>>

登舟良久而云消月现。 湖风扬波,不能远泛至断桥而止。 刘生度曲,季象吹箫。 四山渐明,水灯一片,如繁星堕地。 游舫为风雨所阻,无一开者。 此夕风景全属我辈,故自不易。 已登断桥,语笑良久。 主人及刘生别去,登舟就寝,已四鼓矣。 十八,监兑石君来,颇留念宗乘,佳士也。 得沈纯甫报书。

杨公亮来。 十九,鹤林、慈航、一如三上人自榜李来,留饭,云" 迎送《藏》二僧,遇于吴江,顷即至矣 "

。 无何,二僧遣人相通,即从肩舆至北关,看之且礼,《大藏》装潢甚丽,纸则逊旧印多矣。 《补藏》四十函附至,内缺"泰"字而补"秦"字,"乌"、"焉"成"马",可叹! 得达观师书,以莽会首别传《二老塔铭》嘱。

明日约斋二上人:一名永庆,住明因寺,号仰岩;一名光桢,住龙华寺,号瑞庵。

二十一早,赴石司农约,同虞长孺。

席设紫阳庵。

竟日大风雨,飞瓦拔木,桐花馆庭六桐仅存其二。

• • • • • • •

<<快雪堂日記>>

版权说明

本站所提供下载的PDF图书仅提供预览和简介,请支持正版图书。

更多资源请访问:http://www.tushu007.com